

आकाशवाणी

खबरां ----

1. राष्ट्रपति द्रौपदी मुर्म होर पुर्तगाल दे राष्ट्रपति हुंदे कन्नै लिस्बन च प्रतिनिधिमंडल स्तर दी गल्लबात करडन।
2. पेट्रोल, डीजल पर एक्साइज ड्यूटी 2 रपे बदाई गई। परचून दामें पर कोई असर नेई पौग।
3. गृह मंत्री अमित शाह होरें कठुआ जिले दे बन्ने कन्नै लगदे बीएसएफ दी अगेत्री चौकिएं दा दौरा लाया, जम्मू च शहीदें दे 11 परिवारें कन्नै मिले ते नियुक्ति पत्र सौंपे।
4. बीजेपी नै कर्नाटक दे गृह मंत्री जी. परमेश्वरा होरें 'गी कथित तौर पर बेंगलुरु च यौन उत्पीड़न मामले च एतराजयोग टिप्पणी देने पर आड़े हत्थ लैता।
5. खजाना मंत्री निर्मला सीतारमण होरें दपक्खी बैठकें आस्तै बरतानिया, आस्ट्रिया जाडन।
6. दुबई दे क्राउन प्रिंस संयुक्त अरब अमीरात दे प्रधानमंत्री ते रक्षा मंत्री हमदान बिन मोहम्मद अल मकतूम होर कल्लै थमां भारत दे 2 रोजा दौरै पर।

<><><><><><>

President Purtgal

राष्ट्रपति द्रौपदी मुर्मु पुर्तगाल ते स्लोवाकिया दी राजकीय यात्रा दे पहले चरण च अज्ज लिस्बन पुज्जी गेइयां। पुर्तगाल दे राष्ट्रपति मार्सेलो रेबेलो डी सूसा होरें उन्दा सुआगत

Chintan-Shivar

सामाजिक न्याय ते अधिकारिता मंत्रालय तरफा उत्तराखंड दे देहरादून च 2 नि दे चिंतन शिविर दी शुरुआत होई गई ऐ। चिंतन शिविर दा मकसद सामाजिक शैक्षणिक ते आर्थिक सशक्तिकरण दी रूकावटें गी दूर करिए इक न्यायपूर्ण ते समावेशी समाज दा निर्माण करना ऐ। चिंतन शिविर च सामाजिक न्याय ते कल्याणकारी पहलें दा सम्पूर्ण मूल्यांकन करने आस्तै मुख्य भरै दे माहिर ते सरबन्धी धड़े किट्ठे होए। केंद्र ते राज्यें बश्कार तालमेल च सुधार आनने ते जमीनी सतह पर सरकारी सेवाएं दी असरदार ते समावेशी बंड यकीनी करने दे मकसद कन्नै होआ रदे इस सम्मेलन दी अध्यक्षता केंद्री सामाजिक न्याय ते अधिकारिता मंत्री डॉ. विरेंद्र कुमार होर करडन।



T.N-ED Raids

तमिल नाडू च परिवर्तन निदेशालय दे अधिकारी राज्य नगर प्रशासन शहरी ते जल आपूर्ति मंत्री के.एन नेहरू, उन्दे भ्रास मणिवन्न ते पेरम्बलुर थमां सांसद पुत्तर अरूण नेहरू हुंदे घरें पर छापेमारी कीती। एह् छापे कथित तौरा पर 2 बैंकें थमां लोन लैने च हेर-फेर दे आरोपें कन्नै जुड़े दे न। तिरुचिरापल्ली च उन्दे लैन-देन दे बारै च 2 बैंक अधिकारियें कोला पुच्छ गिच्छ कीती गई ऐ। चेन्नई ते कोइंबटूर च कई थाहरें पर छापेमारी कीती। इंदे च के.एन नेहरू हुंदे भ्रास मणिवन्न दे रियल एस्टेट प्रतिष्ठानें पर बी छापेमारी कीती गई।



Waves-Truth Tell hackathon

वर्ल्ड आडियो विजुअल एंड एंटरटेनमेंट समिट 2025 च क्रेट इन इंडिया चुनौती दे अंतर्गत ड्रुथ टेल हैकार्थॉन दा गेंड फिनैले नर्मी दिल्ली च चलारदा ऐ। 5 जहार 600 टीमं हैकार्थॉन च हिस्सा लैता, इन्दे चा 25 टीमं अज्ज दे फिनैले च हिस्सा लैदियां न। पहली 5 टीमं गी 10 लक्ख रपे दा नकद ईनाम दिता जाग। ड्रुथ हैकार्थॉन दा मुख मकसद ए.आई कन्नै चलने आहले उपकरण तैयार करना ऐ जेदी मदद कन्नै गलत जानकारी सरबंधित समें पर सावधान कीता जाई सकोग। एहदे कन्नै ब्राडकास्टर्स ते दर्शकें गी शक्ति थहोग ते लाइव कार्जक्रमें दौरान आंकड़ें जांचें जाई सकडन।

<><><><><><>

HM Border

गृह मंत्री अमित शाह जेड़े जम्मू-कश्मीर दे त्रै दिन दे दौरे पर न, होरें अज्ज कठुआ जिले आहले भारत पाकिस्तान बन्नै कन्नै लगदे बीएसएफ दी अगेत्री चौकिएं दा दौरा लाया। पिछले किश दिनें थवां कठुआ जिले च पाकिस्तानी आतंकवादिएं खलाफ अभियान जारी ऐ। आकाशवाणी जम्मू संवाददाता दी रिपोर्ट मूजब शाह होर कठुआ जिले दे हीरानगर सैक्टर च हैलीकाप्टर राएं गे, मगरा ओह बीएसएफ दी अगेत्री चौकी विनय गए ते जमीनी हालात दा जायजा लैता। उनें बीएसएफ दे जौआनें गी संबोधित बी कीता। उपराज्यपाल मनोज सिन्हा, प्रधानमंत्री हुंदे दफतर च राज्यमंत्री डॉ. जितेंद्र सिंह, गृह मंत्रालय ते सुरक्षा एजेंसिएं दे आला अफसर बी उन्दे कन्नै मौजूद हे। मगरा ओह वापस परतोई आए। उनें राजभवन जम्मू च जम्मू-कश्मीर पुलस दे शहीद कर्मिएं दे परोआर आहलें कन्नै मलाटी कीती ते 11 शहीदें दे परोआर आहलें गी नियुक्ति पत्र बी भेंट कीते।

<><><><><><>

LG-Assent Bills

जम्मू-कश्मीर विधानसभा दे सचिव मनोज कुमार पंडिता होरें अज्ज सभा च जानकारी दिती जे विधानसभा आसेआ पारित कीते गेदे त्र'ऊं बिलें गी उपराज्यपाल होरें मंजूरी देई दिती ऐ। आकाशवाणी दे जम्मू संवाददाता नै जानकारी दिती ऐ जे इनें त्र'ऊं बिलें च जम्मू-कश्मीर वस्तु सेवा कर संशोधन बिल 2025 (L.A Bill No 1) जम्मू-कश्मीर अखराजाताएं सरबंधी बिल, 2025 (L.A Bill No 2) ते (L.A Bill No 3) शामिल न।

<><><><><><>

Assembly-Adjourned

जम्मू-कश्मीर विधानसभा च अज्ज सत्ताधारी पार्टी नेशनल कांफ्रेंस आसेआ वक्फ कनून बारै चर्चा लेई इक प्रस्ताव रक्खेआ गेआ जिसी स्पीकर अब्दुल रहीम राथर होरें खारिज करी दिता जेदे मगरा सदन च डंड रौली मची दी रेई। शोर शराबे दे चलदे सदन दी कार्रवाई गी 2 बारी स्थगित करना पेआ जेदे मगरा जिसलै त्री बारी कार्रवाई गी सुचारु ढंग्गै नै चलाने दी कोशश कीती गेई तां विधायकें आसेआ पाई दी डंड-रौली दे चलदे स्पीकर होरें सदन दी कार्रवाई गी दिन भरै लेई स्थगित करी दिता। ध्यानजोग ऐ जे बड्डलै जिसलै सब्बे मिम्बर सदन च किट्ठे होए ते तां नेशनल कांफ्रेंस ते एहदे सहयोगी भ्यालै नजीर गुरेजी ते बनवीर सादिक हुंदी अगुवाई च प्रश्नकाल गी स्थगित करने ते वक्फ कनून बारै चर्चा कराने लेई इक प्रस्ताव रक्खेआ हा जिसी स्पीकर होरें एह आखदे होई खारिज करी दिता हा जे बिल कीजे अदालतै च ऐ इस करियै ओह स्थगन दी मंजूरी नेई देई सकदे। तोआई बीजेपी नै सदन च अपने नेता सुनील शर्मा हुंदे नेतृत्व च

एहदा विरोध कीता। उपमुखमंत्री सुरिंद्र चौधरी होरें एहदे पर बोलदे होई आखेआ जे सदस्यें गी इस बारै अपने विचार रक्खने दी पूरी खुल्ल होनी चाइदी।

<><><><><><><><>

Budget Session

जम्मू कश्मीर असेंबली दा बजट इजलास 12एं दिनें दे वक्फे परेंत अज्ज परतियै शुरू होआ ते अतरूं 9 अप्रैल गी इसी अनमित्थे समें लेई स्थगित करी दिता जाग। 7 ते 9 अप्रैल गी प्राइवेट मिंबरें दे प्रस्ताह सदन च रखे जाने दा कार्यक्रम ऐ जिसलै जे प्राइवेट मिंबरें दे बिलें गी 8 अप्रैल गी सदन व रखेआ जाग।

<><><><><><><><>

BJP-Karnatka H.M

बीजेपी नै कर्नाटक दे गृहमंत्री जी. परमेश्वरा हुंदे पर कथित तौर पर बेंगलुरु च यौन उत्पीड़न मामले च ऐतराजयोग टिप्पणी देने पर आड़े हत्थ लैता। नमी दिल्ली च मीडिया कन्नै गल्लबात करदे होई पार्टी दे प्रवक्ता शहजाद पूनावाला होरें कांग्रेस गी पुच्छेआ जे ओह परमेश्वर हुंदे कोला इस्तीफा मंगगन। उनें आखेआ जे कांग्रेस नेता दी टिप्पणी दी जे ऐसे निक्के-निक्के हादसे बड्डे शैहरें च हुंदे रौहंदे न। पुनावाला होरें इस सरबंध च कांग्रेस नेता पियंका गांधी हुंदे कोला बी सवाल कीता।

<><><><><><><><>

Karnatka Jan Aakrosh



FM-UK Visit

खजाना ते निगम मामलें दी केंद्री मंत्री निर्मला सीतारमण कल्लै थमां इस म्हीने दी 13 तरीक तोड़ी बरतानिया ते आस्ट्रेलिया दे दौरे पर जा'रदियां न। अपने दौरे दौरान खजाना मंत्री दवें देशें च मंत्री स्तरीय दपकखी बैठकें च हिस्सा लेंगन। खजाना मंत्रालय दे मताबक सीतारमण होर भारत बरतानिया आर्थिक ते माली वार्ता दे 13में मंत्रीस्तरीय राउंड च बी शिरकत करंगन। भारत दी खजाना मंत्री दवें देशें दे निवेशकें ते बड्डे उद्योगपतिं कन्नै बी गल्लबात करंगन।



Digital-Threat Report

इलेक्ट्रानिक्स ते सूचना तकनीकी मंत्रालय नै अज्ज बैंकिंग, वित्तीय सेवाएं, इंश्योरेंस खेतर आस्तै डिजिटल थ्रेट रिपोर्ट 2024 गी लांच कीता। शुभारम्भ कार्यक्रम गी संबोधित करदे होई सचिव एस. कृष्णन होरें साइबर सिक्योरिटी गी लेइए देश च जागरूकता बदाने पर जोर पाया। उनें आखेआ जे साइबर सिक्योरिटी बदाने आस्तै सारें'गी आत्मनिर्भर बनने दी लोड़ ऐ। बी.एफ.एस.आई खेतर आसतै डिजिटल थ्रेट रिपोर्ट 2024 दस्सदी ऐ जे साइबर सिक्योरिटी कन्नै जुड़े दे हादसैं च दुनिया बश्कार जानकारी दा आदान-प्रदान बगैर कुसा रूकावट दे होआ ऐ, एहदे कन्नै कल गी पेश आने आहली चुनौतिं बारै बी पता लाने च मदद होग।



SC-Waqf Bill

देना बरोबर जारी रखोग। उनें आखेआ जे नरोई सेहत इक खुशहाल समाज दा आधार ऐ।

<><><><><><><>

Kishtawar

किशतवाड़ दे सरकारी डिग्री कॉलेज दे एनसीसी सीनियर विंग आसेआ विश्व सेहत दिवस गी पूरे जोश कन्नै मनाया। एहदा सरिस्ता असम राईफलस दे सहयोग कन्नै कीता गेआं इस दौरान केई गतिविधिं जियां गल्लबात आहले सत्र ते सेहत सरबंधी चर्चा शामिल ऐ। इस मौके पर नरोई सेहत बी महत्ता गी उजागर कीता गेआ।

<><><><><><><>

IMD

भारती मौसम विभाग नै गुजरात ते कच्छ आस्तै रेड अलर्ट जारी कीता ऐ। राजस्थान आस्तै ओरेंज अलर्ट ते दिल्ली आस्तै येलो अलर्ट जारी कीता गेआ ऐ। आकाशवाणी समाचार कन्नै खास गल्लबात च मौसम विभाग दे वरिष्ठ साईंसदान आर.के जेनामनी होरें आखेआ जे अगले 2 दिनें आस्तै दिल्ली, हरियाणा ते पञ्जाब च तेज गर्मी दी चेतावनी दिती गे। ऐ ते मध्य प्रदेश दी किश थाहरें च बी मती गर्मी दे हालात बनी सकदे न।

<><><><><><><>